

第二冊 第一課 阿兄的課本

口白：丸仔到學校共冊包園咧，就提一本課本隨欲出去。

紅圓仔共伊叫：丸仔，你欲去佗位？

丸仔：阿兄的課本袂記得紮，我欲提去伊的教室予伊。

紅圓仔：我佻你同齊去。

--

紅圓仔：你敢知影高年級的教室佇佗位？

丸仔：嗯……敢是佇運動埕的邊仔彼棟？

紅圓仔：我會記得是佇圖書館邊仔呢。

丸仔：無要緊啦，咱那行那揣。

--

口白：兩個人經過運動埕，來到健康中心。

紅圓仔：遮是健康中心呢……

丸仔：咱去樓頂看覓咧。

紅圓仔：遮是電腦教室。

丸仔：(向窗內張望)內底攏無人呢！

紅圓仔：這馬猶未上課，當然嘛無人。毋過第一節課敢若咧欲開始矣！

丸仔：按呢咱愛較緊揣咧！

--

(噹噹噹噹~上課鐘聲)

紅圓仔：害矣！上課矣啦！

丸仔：慘矣，欲按怎！(欲吼的表情)

紅圓仔：頭前是辦公室呢！咱去問老師！

--

口白：陳老師拄仔好對辦公室行出來…

陳老師：(看著丸仔佻紅圓仔走過來)啊恁兩個哪會佇遮？

丸仔：我欲共課本提予阿兄，伊袂記得紮矣。

陳老師：你真正是一个貼心的小妹，我拄仔好欲去豆仔個彼班上課，我提去予伊，恁先轉去教室。

紅圓仔：猶毋過……

陳老師：毋過按怎？

丸仔：阮毋知影欲按怎行轉去教室矣啦(目屎輾落來)

陳老師：原來是按呢，免緊張，恁綴我來教室，才叫豆仔恁轉去。

--

(二年級的教室內底)

李老師：奇怪，敢有人看著丸仔佻紅圓仔？

同學 A：我有看著個人來教室，你看！佢的冊包佇遮！

同學 B：我有佇運動埕看著個。

同學 C：我敢若看著個去健康中心。

豆仔：報告！我恁丸仔佻紅圓仔轉來矣！

李老師：好佳哉！恁是去佻位啦？阮足煩惱呢！

豆仔：老師真歹勢，佢是為著欲提課本予我才會袂赴轉來上課。

紅圓仔+丸仔：老師，阮毋知欲按怎轉來教室，是陳老師叫阿兄恁阮轉來的。

李老師：我知矣！我來教恁認捌學校的環境。豆仔，另工才請你做我的助手喔！

豆仔：好！無問題！我先轉去上課喔！

紅圓仔+丸仔：阿兄，再會！

【激頭殼】

1.紅圓仔佻丸仔有講著學校的啥物所在？

2.恁的學校敢有遮的所在？